

Protekle sedmice u JU „Kulturni centar“ Cazin održana je predstava „Lakonoga u čarobnoj šumi“ za djecu uzrasta od I do V razreda svih osnovnih škola na području grada Cazina. U dva dana odigrano je 8 predstava, za više od 1.500 djece.

Predstava je osim zabavna i vrlo edukativna. Na komičan način pojašnjava važnost prijateljstva u životu svakog djeteta. Važnost poštivanja pravila lijepog ponašanja u školi, pozorištu, društvu, kod kuće. Ova muzička basna oduševila je djecu, posebno one najmlađe, što zbog komičnih situacija tokom čitave predstave, što zbog pjesme uz koju su djeca čak i plesala.



Našim gostima koje je predvodio Fahrudin Kučuk, dječiji pisac i scenarista, prijatelj Krajine i Cazina, zahvaljujemo na strpljenju, predanosti i saradnji.

Očekujemo ovu i sličnu postavu na daskama koje život znače u našj sali i naredne godine, već u proljetnim mjesecima, sa nekom novom predstavom i nekim novim događajima.